

1. "Court Worker" izhinikázowag igiweniwag gáganótamágewad dibákonigewigamigong anishináben gáwiji'áwád. Wáwindamágewag ánín mayá enákonimind awiyan gámamázhínid, gaye ewáwindamawáwád dibákonigeogimán gaye ini dibákonigewininiwan ánín mayá ezhisenid ini gádibákonimind.

2. Amí enwázowád igi egánótamowáwád iniweniwan gádaikonimind chinisidotaminid ánín mayá enákonimind ánín gaye mayá ezhisege dibákonigewin. Gaye gagwewáwindamágewag álin ge'izhichikeyamban chi'izhiminoseyin chiizhinádamázoyamban máwach.

3. Awenen igo odáwiji'igon ini gá'lanokínid gánótamáewininiwan. Memindage igo anishináben ogagwewiji'áwán.

4. Apí bigo gidákonigóyin mágizhá gaye gí'andomigóyin chibidibákonigóyin gidáganóná awe gáganótamáged.

5. Iwe gágizhigag apí izhisege chidibákonigóyin amí gedódang awe ganótamágewinini chi'angindang gakina ini wínzowinan gáwídibákonimind awiyag. Igiweniwa anishinábe gáwídibákonimind amí iniweniwa géganónád chigagwejimád kishpin chi'andawendamowád chiwiji'indwá. Pizánigo gaye gín gigananádonewa.

6. Amí enanokíwád ganótamágewininiwag e'izháwád dibákonigewigamigong e'andowáwiji'áwád gádibákonimind anishináben. Gidá'anishinábemino'ág kishpin michi'anishinábemoyin chiwáwindámáwig ánín

enákonigeng gaye chiwíndamowád dibákonige'ogimán ánín ezhiseyin. Gigawáwindamág weweni áninenenimigóyin gá'izhimamánzhíyin wegonen wenjidibákonigóyin. Gigawáwindamág gaye ánín ge'izhichigeyamban ge'onjiminoseyamban chishábwíyamban. Gidáwáwindamág Gigawíndamág gaye ánindi mayá eyámagag dibákonigewigamig gedazhidibákonigóyin'awenen gaye dinókán nádamágedibákonigewinini gemáminomikiban.

7. Kishpin gímamázhí inendaman pizánigo gidáwiji'ig ganótamágewinini chiwáwindamawikiban ánín ge'izhichigeyamban chiwíndamawig gaye awenen dibákonigewinini gewiji'ikiban ge'onjidibá'igádegiban gaye iwe gidibákonigowin, gidáwáwindamág gaye ánín mayá ezhiseyin ánín gaye gedódamán, gidáwiji'ig gaye kishpin wímoshkinebí'aman mazina'iginón gwayag gaye chi'izhiinsha'igádegín.

8. Amí ge'izhiwáwindamág ganótamágewinini epíchigichi'inendágwag gín igo chi'izháyin chi-awidibákonigóyin. Káwín wín bekánizid gidá'ishinzhawási chi-awígígdótamawig/ Kishpin eta ayásiwad dibákonigewinini chinádamawig kishpin dash gaye wenjidó bigo gashkitósiwan chi-izháyin amí eta ge'izhi'izhápan awe ganótamágewinini chi'awiganótamawig. Wín idash odáwindamawá wegonen wejigashkitósiwan imá chibákonigóyin.

9. Amí gaye enanokíd awe ganótamágewinini ewáwiji'ád bekánizinid imá gá'ayánid dibákonigewigamigong – awe dibákonige'ogimá gaye gádibákoniged chiwáwindamawád ánín ezhiseyin.

10. Kishpin gáwín ngímamázhí inendaman gashkitósiwan dash chiganódamázoyin ozám segiziyin, pizánigo gigawiji'ig awe ganótamágewinini chiwáwindamawád gádibákonigenid ánín enendamowád ánín gaye gá'izhiseyin gá'onjimamánzhíyin.

11. Kishpin nisidotanziwan iwe mazina'iginón gamínigóyin bizánigo ganótamágewinini gigawáwindamág ánín ekidómagakin.

12. Kishpin gaye nisidotanziwan inágonigewin gigawáwindamawig awe ganótamágewinini ánín enákonigeng – abinónjig onji, gaye ódábánensag, mikanawan, gaye andawenjigewin kwáshkwebijigewin, ódenáng gakina bigo inákonigewin gágikendaziwan bizánigo dábízhá gidishkoniganiwáng awe ganótamágewinini chibiwáwindamágepan inákonigewin. Ódábíná gaye godag awiya gewáwindamágenid inákonigewini.

13. Amí dash endananokíwád godag ganótamágewininiwag, bezhig imáBrandon bezhig mina ima Dauphin Saging Grand Rapids Portage La Prairie The Pas gaye imá Thompson gá'ijigádeg gíwedino'ódena.